



Growmup piknini blo yu po be strong: ol deadly activities yur pamle ken mekem tigateda - Torres Strait Islander Creole



Evidence ratings:

This resource has undergone expert review. See our Help/Q&A section for more details.

Year: Foundation Year, Year 1–2, Year 3–4, Year 5–6, Year 7–8, Year 9–10, Year 11–12

Targeted Drugs: Alcohol, Drugs (General)

Tags: Torres Strait Islander Creole Translation

Origin: Australian

Cost:

Free

Attachments

[Growmup piknini blo yu po be strong: ol deadly activities yur pamle ken mekem tigateda](#)

Main messazes blo diswan e:



Meke ol plan po carm tigateda en hab gud yans

Encourage ol pamle po go po ol community events

Lan ol piknini blo yu culture ane langgus

Growmup piknini blo yu po be strong: ol deadly activities yur pamle ken mekem tigateda

Yumpla ol parent, carer or pamle memba e pass tisa's blo ol piknini ane da most important.

Research e spik demkain, ip ol piknini e growmup wei gud environment or wei ol gud role models en zoin in wei ol cultural activity en plei sports, den dempla probably no go wande uzey drugs ane alcohol.

Po trai lan yur piknini rait wei ane stapi dempla prom uzey drugs ane alcohol yu ken meke dem activities ya:

Lego ol actibities tigateda

Yu should sabe, ip yu hang raun ol teenaze piknini blo yu den yutu go meke gud relationship.E ken be ard po spen taim wen yu buzy, but E mina important because E go elpe protect dempla prom uzey alcohol ane drugs.

Wen yu go meke taim po spend wei yur piknini yu nor hab tu meke something big, yu ken mekeh something smol wei dempla olsem:

- Sidown po yan ane kai kai tigateda.
- Meke ol actibities wei dempla orse, plei footy, go wakbaut tigateda, meke ol art wark, yan stories or plei ol games.
- Yu ken lan dempla about culture, wiskain po play music or tisi dempla wiskain po kukeh kai kai. Demwan go elpe po build-up confidence blo dempla.

Activities weh Komyunity

E gor be mo laikly dat dem young piknini uda tek part wei ol komyunity activities no go gad ol alcohol ane drug problems den dem young pipol uda no zoin in. E mait gad ol gud activities yur piknini ken go po wei community blo yu.

Activities ol gad der wei komyunity ane Australia e:

- 🍷 Ol sports olsem; midnight basketball, football, soccer, netball, cricket, swimming, or dancing. E gud po go zoin in wei dem sport, or yu ken cusa go watch.
- 🍿 Oseh mubi wei cinemas
- 🍖 Kai kai wei barbecue or picnic.
- 🏕️ Go pisin, hunting or go camping.

Ip e no gad demkain activities wei komyunity blo yu, yu ken akse ol pipol po trai organise em. Yu ken akse ol youth warker, teachers, nuda parents, ol elders, da local Council or dem young wans ken mekem.

E gad ol organisation uda ken elpe wei money po meke dem activities po dempla, olsem Midnight Basketball Australia or Australian Drug Foundation through dempla Local Drug Action Team program.



Cultural Activities

Mepla sabe diskain culture e mina important en eben research e spik demkain tu. Research e spik wen ol piknini e lan about dempla culture en langgus, e elpe dempla grow klostun po dempla background so ol no go lukraun alcohol ane drugs. Wen ol go gad gud connection wei dempla culture e meke dempla pil gud ane dempla go pil strong wen ol e tigeda ane go meke dempla pil confident.

So ip yu parent blo wan piknini or carer, pamle or eben Komyunity memba encourage ol teenazer po connect wei culture blo dempla. E gor elpe dempla po growmup po be strong Aboriginal ane Torres Strait Ailan marn or orman.

Yu ken mek olkain ting po lan dempla about culture olsem:

- 🗣️ **Tok po your piknini** ebertyaim en yan ol stories
- 🍷 **Lan dempla po connect wei Ailan Komyunity blo dempla**, olsem; teke dempla go bush, lan dempla about traditional plants ane medicine or yu ken teke dempla go hunting or sake lain.
- 🎭 **Lan dempla about ol cultural wei's**, olsem, ceremonies, traditional dancing, stories en history blo dempla.
- 🎨 **Meke traditional arts ane crafts wei dempla**, olsem, painting, weaving or meke jewellery.
- 🗣️ Ip yu sabe **tok langgus**, lan dempla wiskain po tok ane tok langgus po dempla as much as yu ken.

Positive Choices artwork by Jenna Lee (Larrakia artist, Gilimbaa).